

Մկրտության և հաղորդության մասին ուսմունքներ Վարդապետություն և Ուխտեր 20-ում

Հատված 1. Մկրտության համար առաջադրվող պահանջները

Կարդացեք Վարդապետություն և Ուխտեր 20.37
հատվածները՝ փնտրելով, թե ինչ պետք է անի մարդը
մկրտության պահանջներին համապատասխանելու
համար:

Անհրաժեշտության դեպքում փնտրեք
անհասկանալի բառերի սահմանումները Ապա նշեք
մկրտության համար առաջադրվող պահանջները
ներքևի դաշտում: Դուք կարող եք վերափոխել
դրանցից մի քանիսը ձեր խոսքերով:

- Ի՞նչ են այս պահանջներն ուսուցանում Տիրոջ
մասին և ձեր վերաբերյալ Նրա ցանկության
մասին:
- Ինչո՞ւ է օգտակար հիշել այս պահանջները
նույնիսկ մկրտվելուց հետո:

Ընտրեք հատված 37-ում թվարկված պահանջներից
երկուսը կամ երեքը: Քննարկեք, թե ինչպես կարող
է այդ պահանջներին համապատասխանելու
հետևողական ձգտումն օգնել ձեզ ավելի նմանվել
երկնային Հորը և Հիսուս Քրիստոսին:

Հատված 2. Մկրտությունից հետո առաջադրվող պահանջներ

Ուսանողներին հանձնարարեք մտքում կարդալ
Վարդապետություն և Ուխտեր 20.68–69 հատվածները՝
փնտրելով Տիրոջ ակնկալիքները մեր վերաբերյալ
մկրտությունից հետո:

- Հատված 69-ից ի՞նչ եք սովորում այն մասին,
թե մկրտվելուց հետո մենք ինչպես ենք Տիրոջը
ցույց տալիս մեր արժանավորությունը:

Կարող եք նշել «աստվածային քայլերով ու
հաղորդակցությամբ» արտահայտությունը հատված
69-ում: Մարդը կարող է ցուցադրել «աստվածային
քայլեր և հաղորդակցություն» իր գործերի,
վերաբերմունքի և խոսելաձևի միջոցով, որոնք
ներդաշնակության մեջ են Աստծո հետ:

- Ձեր կարծիքով, ի՞նչ պատճառներով է Տերը
ցանկանում, որ Իր Եկեղեցու անդամները
մկրտվելուց հետո ցուցադրեն «աստվածային
քայլեր և հաղորդակցություն»:

Քննարկեք առնվազն երեք հատուկ օրինակ, թե
ինչպես կարող ենք ցույց տալ «աստվածային քայլեր
և հաղորդակցություն» մեր կյանքում: Կարող եք նաև
քննարկել օրինակներ, թե ինչպես եք փորձել ցույց
տալ դա ձեր կյանքում:

Հատված 3. Ճաշակել հաղորդությունը

Կարդացեք Վարդապետություն և Ուխտեր 20.75
հատվածը՝ փնտրելով Տիրոջ հրահանգները
հաղորդության արարողության վերաբերյալ:

- Ձեր կարծիքով, ինչո՞ւ է Տերը ցանկանում,
որ մենք ամեն շաբաթ հավաքվենք միասին՝
ճաշակելու հաղորդությունը:

77 և 79 հատվածները պարունակում են
այն աղոթքները, որոնք Տերը հրահանգել
է քահանայություն կրողներին ասել հաղորդությունը
սպասավորելիս: Բացատրեք, որ երբ մենք
հաղորդություն ենք ընդունում, մենք նորոգում ենք
ուխտը, որը կապել ենք, երբ մկրտվել և հաստատվել
ենք: Ձգտելով պահել մեր ուխտերը և ամեն
օր ապաշխարել՝ մենք կարող ենք զգալ նույն
մաքրագործումն ու օրհնությունները, որ զգացել ենք
մկրտության միջոցով:

Կարդացեք Վարդապետություն և Ուխտեր
20.77 և 79 հատվածները՝ փնտրելով, թե ինչ ենք
մենք խոստանում և ինչ է Տերը խոստանում, երբ
ճաշակում ենք հաղորդությունը: Կարող եք նշել այդ
խոստումները ձեր սուրբ գրություններում:

- Ինչպե՞ս կարող ենք ցույց տալ Հիսուս
Քրիստոսի անունը մեզ վրա վերցնելու մեր
պատրաստակամությունը:
- Ի՞նչ եղանակներով մենք կարող ենք ցույց տալ
Փրկչին, որ հիշում ենք Իրեն:

Ինչպե՞ս է հաղորդության արարողությունը ցույց
տալիս Փրկչի սերն ու ողորմածությունը մեր
հանդեպ: